

Silaannakkut angallanneq pillugu suliassaqarfimmi sullivinni tarnikkut atukkat pillugit nalunaarut

Inatsimmik nalunaarummi nr. 1149, 13. oktober 2017-imeersumi § 40 g, imm. 1 aamma 2, aamma § 149, imm. 10 malillugu silaannakkut angallanneq pillugu inatsimmi, inatsisikkut nr. 2072-ikkut, 21. decembari 2020-meersukkut aamma inatsisikkut nr. 2073, 21. December 2020-meersukkut allanngortinneqartumi, aamma peqqussutikkut nalunaarummi tak. nr. 1373-imi, 4. decemberi 2013-imeersukkut, kunngip peqqussutaatigut Savalimmiunut atortuulersinneqartumi, aamma inatsimmik nalunaarutikkut tak. nr. 408-ikkut, 11. septemberi 1985-imeersukkut kunngip peqqussutaatigut Kalaallit Nunaannut atortuulersinneqartumi, kingullermik peqqussut nr. 2628, 28. December 2021-meersumi allanngortinneqartumi, Trafikstyrelsen-ip suliassai piginnaatitaaneralu, naammagittaalliorsinnaaneq aamma nalunaarutiginninneq pillugit nalunaarummi § 6, imm. 1 aamma piginnaatitsissut malillugu, nalunaarummi nr. 2432, 14. December 2021-meersumi Trakfikstyrelsen-ip najoqqutassaataasa ilaasa nalunaarutigineqartarnerat pillugit piginnaatitsissut malillugu aalajangersarneqarput:

Kapitali 1

Suliassaqarfik

§ 1. Inuinnarnut silaannakkut angallatini qallunaajusuni sulisunut inuttaasunut taakkulu sulisitsisuinut, sullivinni tarnikkut atukkat nalunaarummi ilaatinneqarput.

§ 2. Silaannakkut angallanneq pillugu suliassaqarfimmi suliffimmi isumannaallisaanikkut pissutsit pillugit malittarisassanut allanut ilassutaasunik immikkuualuttunik malittarisassanik nalunaarut imaqarpoq.

§ 3. § 1 malillugu silaannakkut angallammi sulianut sulisitsisumit suliaritinneqartunut suugaluartunulluunniit, nalunaarut atuuppoq.

Kapitali 2

Aalajangersakkat nalinginnaasut

§ 4. Sulineq aallaqqaataanit naggataanut pilersaarusioneqassaaq, aaqqissuunneqassaaq aamma ima suliarineqassalluni, sullivinni tarnikkut atukkanit sunnertinnerit inuit ataasiakkaat aamma ataatsimoortumik naliliineq aallaavigalugu piffissaq sivikinnerusoq sivilunerlu

eqqarsaatigalugit isumannaatsuunikku peqqissutsikkullu tamakkiisumik illersorneqarsinnaassalluni.

§ 5. Ilanngussaq 1 malillugu nalinginnaasumik pitsaaliuinermi tunngaviit eqqarsaatigalugit pitsaaliuinermik suliniutit aallartinneqassapput.

§ 6. Sullivinni tarnikkut atukkanit sunnertinnerit nalunaarummi matumani, sulinermi inuttut inooqatigiinnertigullu sunnertinnertut, tulliuuttunut atatillugu pilersinneqartut paasineqassapput:

- 1) Suliap pilersaarusiernerani aaqqissuunneqarneranilu periaaseq atorineqarsimasoq.
- 2) Aaqqissuussinermit tunngasunik pissutsit inuttat suliaqarnerannut pingaaruteqartut.
- 3) Suliap imarisai, matumani suliamut piumasaqaatit ilanngullugit.
- 4) Suliap suliarineqarneranut periaaseq atorineqartoq.
- 5) Sulinermi inoqatinut atassuteqarneq.

§ 7. Suliap suliarineqarnerani inuttaasup ukiua, paasisimasaqassusaa, sulisinnaassusaa aamma piumasaqaatit allat eqqarsaatigineqassapput.

Imm. 2. Sulinermi avatangiisit pillugit inatsisip suliassaqarfiani sulisunut naartusunut milutsitsisunullu isumannaatsuunissap peqqissuunissallu isumannaarneqarnissaat pillugit malittarisassat inuttanut naartusunut milutsitsisunullu atuupput.

§ 8. Sullivinni tarnikkut atukkat pillugit suliffeqarfimmi isumannaatsuunissap peqqissuunissallu suliarineqarnissaanut tunngatillugu sulisitsisoq suliamut tunngasunik ilisimasani pisariaqartinneqartunik atuisinnaangippat, inuttat sullivimmi tarnikkut atugaasa ingerlaavartumik illersorneqarnissaannut siunertaq qulakkeerniarlugu, sulisitsisoq suliamut ilisimasalinnik ikiuuttussanik avataanit pissarsissaaq.

§ 9. Atorfinitsinneqarnermi pissutsit qanoq ittuunerat sivilissusaallu apeqqutaatinnagit, inuttat ataasiakkaat tamarmik suliaq pillugu, isumannaatsuuneq- peqqissuunerlu eqqarsaatigalugit tamakkiisumik illersorneqarsinnaasumik naammattumik naleqquttumillu sungiusarneqarnerat ilitsersorneqarnerallu, sulisitsisup isumagissavaa. Tulliuuttunut atatillugu sungiusaaneq ilitsersorneqarnerlu ingammik pissaaq:

- 1) atorfinitsinneqarneq,
- 2) inuttat nuunneqarnerat,
- 3) suliat allanngornerat,
- 4) sulianut atortut eqqunneqarnerat allanngortinneqarneralluunniit,
- 5) teknologiip nutaap eqqunneqarnera aamma
- 6) teknikkikkut atortut ikiuutit atorneqarnerat.

Imm. 2. Sungiusaaneq ilitsersuinerlu imm. 1-imi taaneqartut suliap ineriartorneranut naleqqussarneqassapput, matumani sullivinni tanernikkut atukkanut aarlerinaatit nutaat najuunnerat ilanngullugu. Pisariaqarpat sungiusaaneq ilitsersuinerlu aalajangersimasumik pisartutut uteqqinneqartassaaq.

Imm. 3. Ajutooratarsinnaanermut- aamma napparsimalersinnaanermut aarlerinaatit, taakku sulinerannut atatinneqarsinnaasut pillugit, sulisitsisup inuttat nalunaarfigissavai.

§ 10. Suliap isumannaatsuunissamut peqqissuunissamullu illersorneqarsinnaasumik suliarineqarnissaata eqeersimaartumik nakkutigineqarnissaa sulisitsisup isumagissavaa.

§ 11. Sullivinni tarnikkut atukkanut sunniutaasartut, piffissaq sivikinnerusq sivilunerusorlu eqqarsaatigalugit timikkut tarnikkulluunniit peqqissutsimut sunnuteqarsinnaasut, ataasikkaarlugit ataatsimullu naliliinerit aallaavigalugit isumannaatsuunissamut- peqqissuunissamullu tamakkiisumik illersorneqarsinnaasumik suliffik aaqqissuunneqassaaq. Suliffiup aaqqissuunneqarsinnaanera imaluunniit tulluurtumik allanngortinneqarsinnaanera periarfissaanngippat, qanoq iliornissamut piareersaatit allat aalajangerneqassapput, taamaalilluni suliaq illersorneqarsinnaasumik ingerlanneqarsinnaaniassammat.

Kapitali 3

Sullivinni tarnikkut atukkat sunniisarneri ataasiakkaat pillugit immikkut ittumik aalajangersakkat

Suliassat amerlasuut piffissaasuanerlu

§ 12. Suliassat amerlanerannut piffissaasuanermullu tunngatillugu suliaq aallartiffianiit naanissaanut pilersaarusioneqassaaq, aaqqissuunneqassalluni aamma ima suliarineqassalluni, piffissaq sivikitsoq ungasinnerusorlu eqqarsaatigalugit isumannaatsuunissamut- peqqissuunissamullu tamakkiisumik illersorneqarneqarsinnaassalluni.

§ 13. Suliassat amerlasuut piffissaasuanerlu matumani nalunaarummi ima paasineqassapput, suliap suliarineqartussap, aamma piffissap suliamik suliaqarnermi atorineqartussap akornanni oqimaaqatigiinngitsoqarnerani, ima sulisoqartoq:

- 1) sakkortuumik, matumani sukkasumik sulineq imaluunniit nukissaqaqqilernissamut qasuersaarnertaqarani sulineq ilanngullugu, imaluunniit
- 2) nalunaaqquttap akunnerini amerlasuuni sulineq nukissaqaqqilernissamut qasuersaarnissamut periarfissaqarnissamut sunniuteqarsinnaasoq.

§ 14. Suliassat amerlasuut piffissaasuanerillu isumannaatsuunissamut peqqissuunissamullu kinguneqarsinnaanerisa nalilerneqarneranni, ingammik akuusut makkua akornanni pissutsit tulliuuttuni taaneqartut pingaartinneqassapput:

- 1) Suliassat amerlasuut piffissaasuanerillu annertussaap, matumani piffissaq eqqarsaatigalugu sivisussutsit ilanngullugit.
- 2) Suliassat amerlasuut piffissaasuanerillu qanoq ittuunerat.
- 3) Pitsaaliuineramik suliniutit, matumani suliniutit ilanngussaap 1-imi taaneqartut.

Imm. 2. Tamatuma saniatigut suliffimmi isumannaallisaanikkut pissutsini sunniutit allat suliassat amerlasuut piffissaasuanerullu isumannaatsuunissamut peqqissuunissamulluunniit aarlerinaatit annertusisinnaaneraat imm. 1 malillugu naliliinermi pingaartinneqassapput.

Sulinermi piumasaqaatit erseqqinngitsut aamma imminnut assortuuttut

§ 15. Sulinermi piumasaqaatinut erseqqinngitsunut aamma imminnut assortuunnut tunngatillugu suliaq aallartiffianiit naanissaanut pilersaarusioneqassaaq, aaqqissuunneqassalluni aamma ima suliarineqassalluni, piffissaq sivikitsoq ungasinnerusorlu eqqarsaatigalugit isumannaatsuunissamut- peqqissuunissamullu tamakkiisumik illersorneqarneqarsinnaassalluni.

§ 16. Sulinermi piumasaqaatit erseqqinngitsut aamma imminnut assortuuttut

nalunaarummi matumani ima paasineqassapput, suliamut piumasaqaatit erseqqinngitsuussallutik, imaluunniit ataatsimoortinneqarsinnaanatik, matumani suliassanut piumasaqaatit, suliap pitsaassusaata qaffasissusissaanut piumasaqaatit, sulinermi atuuffimmut piumasaqaatit, suliassa qarfiit akisussaaffigineqartut pillugit piumasaqaatit, sulinermi periaatsit pillugit piumasaqaatit, suliap ingerlasarneranut piumasaqaatit, atuuffiit agguarneqarnerannut piumasaqaatit, suliamut piffissamik atuinnermut piumasaqaatit, sulinermi sukkasuumik sulinissamut piumasaqaatit imaluunniit suliffiup sivisussusissaanut piumasaqaatit ilanngullugit.

§ 17. Sulinermi piumasaqaatit erseqqinngitsut amma imminnut assortuuttut

isumannaatsuunissamut peqqissuunissamullu kinguneqarsinnaanerisa nalilerneqarneranni, ingammik akuusut makkua akornanni pissutsit tulliuuttuni taaneqartut pingaartinneqassapput:

- 1) Sulinermi piumasaqaatit erseqqinngitsut aamma imminnut assortuuttut piffissaq eqqarsaatigalugu sivisussutsit ilanngullugit.
- 2) Sulinermi piumasaqaatit erseqqinngitsut aamma imminnut assortuuttut qanoq ittuunerat.
- 3) Pitsaaliuinnermik suliniutit, matumani suliniutit ilanngussaq 1-imi taaneqartut.

Imm. 2. Tamatuma saniatigut suliffimmi isumannaallisaanikkut pissutsini sunniutit allat, sulinermi piumasaqaatit erseqqinngitsut aamma imminnut assortuuttut, isumannaatsuunissamut peqqissuunissamulluunniit aarlerinaatit annertusisinnaaneraat, imm. 1 malillugu naliliinnermi pingaartinneqassapput.

Inunnik sullissinnermi misigissutsitigut piumasaqaatit annertuut

§ 18. Inunnik sullissinnermi misigissutsitigut piumasaqaatit annertunerannut

tunngatillugu suliap aallartiffianiit naanissaanut pilersaarusionneqassaaq, aaqqissuunneqassalluni aamma ima sularineqassalluni, piffissaq sivikitsoq ungasinnerusorlu eqqarsaatigalugit isumannaatsuunissamut- peqqissuunissamullu tamakkiisumik illersorneqarnerneqarsinnaassalluni.

§ 19. Inunnik sullissinnermi misigissutsitigut piumasaqaatit annertuut nalunaarummi

matumani ima paasineqassapput, tassaasut suliap toqqaannartumik toqqaannangikkaluartumilluunniit inunnik atassuteqarnissamik kinguneqartut,

matumani innuttaasunik sullitanillu atassuteqarnernik kinguneqartut, aamma atassuteqarneq tulliuuttunik annertuunik piomasagaateqarfiusut

- 1) inuit taakku eqqarsartaasaannik, misigissusaannik pissusilersuutaannik paasinnissinnaanissaq, inissaqartitsinissaq imaluunniit suliarinninnissaq pillugit piomasagaateqarfiullutik,
- 2) nammineq eqqarsaatit imaluunniit misigissutsit pillugit suliarinninnissaq pillugit suliarinninnissamik toqqortuinissamilluunniit piomasagaateqarfiullutik imaluunniit
- 3) inunnut taakkununga sullinneqartunut attaveqatigiinnerup pissusilersornerulluunniit naleqqussarneqarnissaannut piomasagaateqarfiullutik.

§ 20. Inunnik sullissinermi misigissutsitigut piomasagaatit annertuut isumannaatsuunissamut peqqissuunissamullu kinguneqarsinnaanerisa nalilerneqarneranni, ingammik akuusut makkua akornanni pissutsit tulliuuttuni taaneqartut pingaartinneqassapput:

- 1) Inuinnut sullinneqartunut atassuteqarnerup annertussusaa, matumani piffissaq eqqarsaatigalugu sivilissutsit ilanngullugit.
- 2) Inuinnut sullinneqartunut atassuteqarnerup qanoq ittuunera.
- 3) Pitsaaliuineramik suliniutit, matumani suliniutit ilanngussaq 1-imi taaneqartut ilanngullugit.

Imm. 2. Tamatuma saniatigut suliffimmi isumannaallisannikkut pissutsini sunniutit allat, inunnik sullissinermi misigissutsitigut piomasagaatit annertuut, isumannaatsuunissamut peqqissuunissamulluunniit aarlerinaatit annertusisinnaaneraat, imm. 1 malillugu naliliinermi pingaartinneqassapput.

Innimiilliornerit, matumani malersuinerit aamma tiinganiakujuffigineqarneq ilanngullugit

§ 21. Innimiilliornerit tunngatillugu suliaq aallartiffianiit naanissaanut pilersaaruserneqassaaq, aqqissuunneqassalluni aamma ima suliarineqassalluni, piffissaq sivikitsoq ungasinnerusorlu eqqarsaatigalugit isumannaatsuunissamut-peqqissuunissamullu tamakkiisumik illersorneqarneqarsinnaassalluni.

§ 22. Innimiilliornerit nalunaarummi matumani ima paasineqassapput, suliffeqarfimmi inuk ataaseq arlallilluunniit ingasattumik imaluunniit arlaleriarluni suliffeqarfimmi inummik ataatsimik arlallinnilluunniit malersuisoq, tiinganiakujuffiginnittoq imaluunniit sulinerup nalaani allamik nikassaarpasissumik pissusilersortoq. Eqqugaasumit imaluunniit eqqugaasunit pissusilersorneq nikanarsagaanertut paasineqassaaq.

Imm. 2. Nalinginnaasumik aqutsinermik ingerlatsineq, suleqatinik qisuariarfiginnineq assigisaanillu pissusilersorneq imminni innimiilliornerunngillat.

§ 23. Innimiilliornerit isumannaatsuunissamut peqqissuunissamullu kinguneqarsinnaanerisa nalilerneqarneranni, ingammik akuusut makkua akornanni pissutsit tulliuuttuni taaneqartut pingaartinneqassapput:

- 1) Innimiilliornerit annertussusaat, matumani piffissaq eqqarsaatigalugu sivilissutsit ilanngullugit.
- 2) Innimiilliornerit suussusaat, matumani ataqatigiinnginnerit ilaaffigisaat ilanngullugit.
- 3) Pitsaaliuineramik suliniutit, matumani suliniutit ilanngussaq 1-imi taaneqartut ilanngullugit.

Imm. 2. Tamatuma saniatigut sulinermit innimiilliornerit isumannaatsuunissamut peqqissuunissamulluunniit aarlerinaatit annertusisinnaaneraat, imm. 1 malillugu naliliinermi pingaartinneqassapput.

Nakuusernerit suliamut tunngassuteqartut

§ 24. Nakuusernerit suliamut tunngassuteqartut nalunaarummi matumani ima paasineqassapput, inuit inuttaanngitsut imaluunniit suliffeqarfimmi sulisuunngitsut, matumani ilaasut ilanngullugit, inuttanut sulisitsisumulluunniit nakuusernerat. Nakuuserneq ima paasineqassaaq

- 1) timikkut nakuuserfigineqarneq timimut saassussinertut ilusilik, tak. pillaasarnermi inatsimmi kapitali 25, aamma
- 2) tarnikkut nakuuserfigineqarneq qunusaarinernik innimiilliornerinillu pissusilersornernik allanik iluseqartoq, matumani nakkarsaaneq ilanngullugu.

Imm. 2. Nakuusernerit suliamut tunngassuteqartut sulitilluni aamma sulinerup avataani pisinnaapput.

Sulinermit sulitilluni sulinerulluunniit avataani nakuusernerit

§ 25. Sulinermit sulitilluni sulinerulluunniit avataani nakuusernerit tunngatillugu, suliaq aallartiffianiit naanissaanut pilersaaruserneqassaaq, aqqissuunneqassalluni aamma ima suliarineqassalluni, piffissaq sivikitsoq ungasinnerusorlu eqqarsaatigalugit isumannaatsuunissamut- peqqissuunissamullu tamakkiisumik

illersorneqarneqarsinnaassalluni.

§ 26. Sulinermi sulitilluni sulinerulluunniit avataani nakuusernernut tunngatillugu, isumannaatsuunissamut peqqissuunissamullu kinguneqarsinnaanerisa nalilerneqarneranni, ingammik akuusut makkua akornanni pissutsit tulliuuttuni taaneqartut pingaartinneqassapput:

- 1) Sulinermi sulinermut atatillugu sulinerulluunniit avataani nakuusertoqarsinnaaneranut ilimanassuseq.
- 2) Nakuusernerup saqqummersinnaasup qanoq ittuunera.
- 3) Pitsaaliuinermik suliniutit, matumani suliniutit ilanngussaq 1-imi taaneqartut ilanngullugit.

Imm. 2. Tamatuma saniatigut sulinermi sulitilluni sulinerulluunniit avataani nakuusernerit isumannaatsuunissamut peqqissuunissamulluunniit aarlerinaatit annertusisinnaaneraat, imm. 1 malillugu naliliinermi pingaartinneqassapput.

§ 27. Sulinermi sulinermut atatillugu nakuusertoqarnissaanik aarlerinartoqartillugu, suliffik ima aaqqissugaassaaq, taamaalilluni sulisut nakuusertoqartillugu nakuusernerulluunniit aallartisarnerani aarlerinaateqanngitsumik isumannaatsumut pisinnaanerit periarfissaassalluni. Suliffiup aaqqissuunneqarsinnaara imaluunniit tulluurtumik allanngortinneqarsinnaanera periarfissaanngippat, qanoq iliornissamut piareersaatit allat aalajangerneqassapput, taamaalilluni sulisut nakuusertoqartillugu nakuusernerulluunniit aallartisarnerani aarlerinaateqanngitsumik isumannaatsumut pisinnaanerit periarfissaassalluni.

§ 28. Suliap ilaata ingerlanneqarnerani inuttaq kisimiilluni sulippat, aamma tamanna pineqartumut sulinermi sulinerulluunniit avataani nakuusertoqarnissaanik immikkut ittumik aarlerilersitsinermit kinguneqarsinnaappat, suliap ima aaqqissuunneqassaaq, nakuusertoqarnissaanut aarlerinaat immikkut ittoq akornuserneqassalluni. Nakuusertoqarsinnaaneranut immikkut ittumik aarlerinaat akornuserneqarsinnaanngippat, inuttaq kisimiilluni sulitinneqassanngilaq.

§ 29. Sumiiffinnut sulitilluni nakuusertoqarnissaanik immikkut ittumik aarlerinaatilinnut, inuttat naleqquttumik ilitsersorneqarsimasut taamaallaat isersinnaanissaat qulakkeerneqassaaq.

§ 30. Sulinermi sulinerulluunniit avataani sulinermut atatillugu kiisalu nakuusernerit aallartissinnaanerit pillugu inuttat naleqquttumik suliarinnissinnaanerit pillugu ilitsersorneqarnissaat sulisitsisup qulakkiissavaa.

Imm. 2. Sulinermi sulinerulluunniit avataani sulinermut atatillugu nakuusernerit aallartissinnaanerit pillugu naleqquttumik suliarinnissinnaaneq pillugu ilitsersuummut atugassanik najoqqutassanik aalajangersaasoqarnissaa, sulisitsisup qulakkiissavaa.

§ 31. Sulinermi sulinerulluunniit avataani sulinermut atatillugu inuttap ataatsip, suliffiup avataani sulinermut atatillugu nakuuserfigineqarsimasup, pisup politiinut nalunaarutigineqassaguni nalunaarutigineqarnissaanut ikiorneqarnissaanik neqeroorfigineqarnissaa, sulisitsisup qulakkiissavaa.

Imm. 2. Imm. 1 malillugu pisussaaffimmi sulisitsisup pisumik ilisimasaqarnissaa piumasaqaataavoq.

Immikkut ittumik iliuseqarneq

§ 32. Trafikstyrelse pisuni immikkut ittuni, nalunaarummi aalajangersakkat avaqqullugit iliuseqarsinnaavoq, aalajangersakkanut atuuttunut naapertuuttoq siunertaqarineqarpat, tassunga ilaallutik nunat assigiinngitsut maleruagassaat.

Pillaatissiinerit

§ 33. Silaannakkut angallanneq pillugu inatsimmi imaluunniit inatsisini allani pillaatissiinerit annertunerisut nalunaarutigineqarsimangippata, tulliuttunik unioqqutitsisut akiliisitsissummik imaluunniit qaammatit sisamat tikillugit parnaarunneqarnermik pillaatissinneqassapput,

1) § 4-mik, §§ 7-miit 12 ilanngullugu, § 15, § 18, § 21, § 25 aamma §§ 27-miit 30 ilanngullugu unioqqutitsisut, imaluunniit

2) Aalajangiinernik naamassinninngitsut, matumani nalunaarut manna malillugu naalakkiutit inerteqqutilluunniit ilanngullugit.

Imm. 2. § 4-p, §§ 10-miit 12 ilanngullugu, 15-ip, 18-ip, 25-ip, aamma §§ 27-miit 30 ilanngullugu unioqqutinneqarneranni, naak unioqqutitsineq sulisitsisumit piaaraluni

unioqqutitsinertut imaluunniit mianersuaalliornertut isigineqarsinnaanngikkaluartoq, sulisitsisoq akiliisitsissummik akiliinissamik akisussaatinneqarsinnaavoq. Unioqqutitsineq suliffeqarfimmut attuumassuteqartumit inummit ataatsimit arlallilluunniit imaluunniit suliffeqarfimmit imminit unioqqutitsinerusimanissaa akiliisinneqarnissamut akisussaaffeqarnermut piunasaqaataavoq. Akiliisinneqarnissamut piunasaqaammut ingerlatsinermik pillaatissiinerit aalajangiiffigineqassanngillat.

Imm. 3. Pillaasarnermik inatsimmi kapitali 5 malillugu ingerlatseqatigiiffiit il.il. (inatsisitigut pisinnaatitaasut pisussaataasullu) pillaatissinneqarnissamik akisussaaffimmik tigusinissamik peqquneqarsinnaapput.

Atuutilertera il.il.

§ 34. Nalunaarut ulloq 1. juli 2023 atuutilissaaq.

Trafikstyrelsen, ulloq

Pitsaaliuinermik suliniutit pitsaaliuinermilu tunngaviit nalinginnaasut

Sullivinni tarnikkut atukkat sunnerneqartarnerisa tamakkiisumik isumannaatsuunissaasa-peqqinnartuunissaasalu qulakkeerneqarnissaannut pitsaaliuinermik suliniutit tapersiisinnaasutut assersuutaasut:

1. Suliap illersorneqarsinnaasumik pilersaarusionerqarnera aqqissuunerqarneralu.
2. Suliap suliarineqarnissaanut naammattumik naleqquttumillu sungiusarnerqarneq ilitsersorneqarnerlu.
3. Suliap suliarineqarnerata sunniuteqarluartumik nakkutigineqarnera.
4. Suliffiup illersorneqarsinnaasumik aqqissuunerqarnera.
5. Teknikkikkut ikiuutaasut eqqortumik atornerqarnerat, taakkulu suliamut naleqquttuussapput naleqqussagaassallutilluunniit.
6. Sulinermi tapersersorneqarnissamik periarfissat, matumani aqutsisunit aamma suleqatinit tapersersorneqarneq ilanngullugit.
7. Suliamut suliarineqartussamut tunngatillugu sulinermi sunniuteqarnissamut periarfissaqarneq.

Pitsaaliuinermi tunngaviit nalinginnaasut

Pitsaaliuinermi tunngaviit nalinginnaasut, sulisut sulinerminni isumannaatsuunissaat peqqissuunissaallu pillugit Siunnersuisoqatigiit malittarisaanni 89/391/EØF-imi artikili 6, imm. 2-mi takuneqarsinnaasut eqqarsaatigalugit, pitsaaliuinermik suliat aallartinneqassapput.

Pitsaaliuinermi tunngaviit nalinginnaasut ukuupput:

1. Aarlerinaatit akornuserneqarnerat.
2. Aarlerinaatit akornuserneqarsinnaanngitsut nalilersuiffigineqarnerat.
3. Aallartiffianit aarlerinaatsip akiorneqarnera.
4. Inummut suliap naleqqussarnerqarnera, ingammik suliffiup ilusilersorneqarnera pineqartillugu, ingammik assigiiaginnarmik sulinerup aamma rytme aalajangersimasoq atorlugu sulinerit annikillisinneqarnissaat siunertaralugu aamma taamatut sulinerup peqqissutsimut sunniutaasa annikillisinneqarnissaat pineqartillugit.

5. Teknikkikkut ineriartornermut eqqarsaatiginnineq.
6. Navianaateqartut taarserneqarnerat, naviananngitsunik imaluunniit navianannginnerusunik taarserneqarnerat.
7. Teknikkikkut atortut ilaatillugit, suliap aaqqissorneqarnerata iluani, sulinermi pissutsit iluanni, sulinermi inoqatinut atassuteqarnerni aamma suliffimmi isumannaallisaanikkut pissutsinit sunniinerit pillugit pitsaaliuinerup tamakkiisumik ataqatigiissutut pilersaarusiorneqarnera.
8. Inuit ataasiakkaat illersorneqarnissaannut iliuuseqarnani inuit ataatsimoortut illersorneqarnissaannut iliuuseqarnissamik akuersissuteqarnerit.
9. Sulisunik naleqquttumik ilitsersuineq.

Pisortatigoortumik allakkiat

¹⁾ Sulisut sulinerminni isumannaatsuunissaat peqqissuunissaallu pillugit Siunnersuisoqatigiit malittarisanni 89/391/EØF-, EF-Tidende 1989, nr. L 183, qupperneq 1, taassumalu kingusinnerusukkut allannguutanik, Sulisut piffissami aalajangersimasumi sulisineqartut imaluunniit sinniisutut atorfinitsinneqartut isumannaatsuunissaasa peqqissuunissaasalu pitsanngorsarneqarnissat pillugit iliuuserisat ilassutaat pillugit pillugit Siunnersuisoqatigiit malittarisannik 91/383/EØF 25. juni 1991-imeersumi, EF-Tidende 1991, nr. L 206, qupperneq 19-imiittumi, taassumalu kingusinnerusukkut allannguutanik, Sulisut naartusut, meerartaaqqammisut imaluunniit milutsitsisut sulitillutik isumannaatsuunissaasa peqqissuunissaasalu pitsanngorsarneqarnissaannut iliuutsit aallartinneqarnissaat pillugit Siunnersuisoqatigiit malittarisassaannik 92/85/EØF 19. oktober 1991-imeersumik EF-Tidende 1992, nr. L 348, qupperneq 1-imiittumi, taassumalu kingusinnerusukkut allannguutaanik, aamma Napparsimavinnut- aamma peqqinnissamut suliassaqarfinni kapitinnikkut ajoqusernerit pitsaaliorneqarnissaannut isumaqatigiissutip HASPEEM-ip aamma EPSU-p isumaqatigiissutaata immersugassap aallartinneqarnissaa pillugu Siunnersuisoqatigiit malittarisassaannik 2010/32/EU 10. maj 2010-imeersumik, EU-Tidende 2010, nr. L 134, qupperneq 66-imiittunik aalajangersakkanik naammassinnittunik Nalunaarut aalajangersakkanik imaqarpoq.